



# Synfocity = 622

mail us at : [mzsynfo@gmail.com](mailto:mzsynfo@gmail.com); [mizoramsynod@gmail.com](mailto:mizoramsynod@gmail.com) - Phone - 2314648

16<sup>th</sup> February, 2017

## □ Pro. Pastor Orientation neih a ni

Feb. 13 - 18, 2017 chung khan Synod Multipurpose Training Centre(SMTC), Mission Vengthlangah Pro. Pastor Orientation Programme neih a ni. Hemi hunah hian thupui pawimawh tak tak an zir a ni.

## □ Synod-in chhawmdawlina pe

Tun hnaia harsatna hrang hrang neite hnenah Synod Relief Fund atangin chhawmdawlina hetiang hian pek an ni.

S.No	Khua	Pek chhan	Chhungkaw zat	Chhawmdawlina pek zat
1.	Tlangnuam West	Damlo	2	Rs. 16,000/-
2.	NE Khawdungsei	In chhia	1	Rs. 10,000/-
			<b>TOTAL</b>	<b>Rs. 26,000/-</b>

## □ FG&CC

Family Guidance & Counselling Centre Committee chuan kum tina Mizorama khaw lian deuh deuha Kristian Chhungkaw Seminar & Campaign an neih thin angin, February 18 & 19, 2017 chung hian Khawzawl khaw chungha Pastor Bial 3 leh Chawngtlai Bial huapin Seminar & Campaign an buatsaih dawn.

February 18, 2017 (Inrinni) nileng hian Khawzawl Vengthar Kohhran Hall-ah Kristian Chhungkaw Seminar an buatsaih dawn a, hetah hian Bial 4 chungha Kohhran 16 atangin Seminar-a tel tur koh an ni a. Chawhma lamah "Kristian Chhungkaw Inkaihruaina" tih thupui zirho in Resource Person Rev. P.C. Pachhunga, Executive Secretary i/c FG&CC a ni ang. Tin, chawhnu lamah "Nupa Inlaichinna tha" tih thupui zirho leh a ni ang a, heta Resource Person tur chu Rev. R. Lalhmingthanga, Director, FG&CC a ni ang.

Seminar neih zawh hian Inrinni zan atanga a tuk Feb. 19, 2017 (Pathianni) zan thlengin Khawzawl Venglai, Khawzawl Dinthar, Khawzawl Vengthar leh Chawngtlai Bial chungha Kohhran 16-ah insem darhin Kristian Chhungkaw Campaign an nei chhunzawm dawn a. He huna Campaigner tur chu heng mite hi an ni:

1. Rev. P.C Pachhunga, Executive Secretary
2. Rev. R. Lalhmingthanga, Director, FG&CC
3. Rev. Lalrinmawia, Electric Veng
4. Upa H. Zoliana, Durtlang
5. Rev. Vanroluaha, Hunthar
6. Rev. Dr. H. Vanlalruata, ATC
7. Upa H. Lalhimthanga, Dinthar / Khawhai S
8. Rev. K. Lalrammawia, Airfield Vengthar
9. Rev. Jonathan Pachuau, Councillor, Champhai
10. Rev. J.H. Zaikima, Ramthar Veng
11. Pi Lalfeli (Central Hmeichhia), Republic Veng
12. Upa F. Lalthanmawia, Bungkawn
13. Upa H. Lalchhandama, O/A, FG&CC
14. Rev. H.S. Remmawia, Khawzawl Vengthar
15. Rev. H. Lalzuiliana, Khawzawl Venglai
16. Rev. Zosanglura Pakhuangte, Khawzawl Dinthar

## □ SMTC

Feb. 10, 2017 (Zirtawpni) chawhnu dar 2:00 khan Synod Multipurpose Training Centre (SMTC) Lecture Hall-ah Computer result tha lawmna hun an hmang a, Rev. P.C. Pachhunga, Executive Secretary chu Khuallian a ni.

Result lawmna programme hi Programme Director Rev. Vansawma'n a kaihrui a, Upa Vanlalhuma, Office Assistant-in report a pe a, khuallian Rev. P.C. Pachhunga'n fuihna thu sawiin thilpek a hlan a. NI. Ruthi VL Muanpui a zai a, zanriah an kilho nghal bawk.

Synod Multipurpose Training Centre-ah hian October 15, 2007 atang khan Computer (CCA) zirna kalpui a ni a, zir hun chung hi thla 6 a ni. Govt. of Mizoram, Higher & Technical Education chuan October 13, 2014 atang khan affiliation a pe a. SMTC-ah hian batch 18, zir lai 382 in an zir chhuak tawh a ni.

January 31, 2017 khan Govt. of Mizoram, Higher & Technical Education chuan DCA 1st Semester result a tichhuak a. SMTC atangin mi 14 in an exam a, Distinction-ah an passed vek a, Top ten-ah mi 4 telin, Mizoramah topper (pakhatna) an ni bawk.

## □ MSSU

◆ Feb. 18, 2017 (Inrinni) hian Hualngohmun Kohhranah Sunday School zirtirtu training neih a ni dawn a, hemi hunah hian Upa Lalrosanga Kawlni, O/A MSSU Office, Upa K. Zoremsanga, Kulikawn, MSSU Trainer leh Pu Ramthansanga Khiangte, Republic, MSSU Trainer te an kal ang. Zan Kohhran Pathian Biak Inkhawmah Fanau enkawl chungchang thupui hmangin Upa K. Zoremsanga'n thuchah a sawi ang.

◆ Feb. 18, 2017 (Inrinni) hian Centenary Kohhranah Sunday School zirtirtu training neih a ni dawn a, hemi hunah hian Upa Lalthahluna Ralte, MSSU Asst. Coordinator, Upa Laldingliana Sailo, Ramhlun Venglai, MSSU Trainer leh T.Upa R. Lalhmingthanga, Republic Vengthlang, MSSU Trainer te an kal ang a. Zan Kohhran Pathian Biak Inkhawmah Fanau enkawl chungchang thupui hmangin Upa Lalthahluna Ralte in thuchah a sawi ang.

## □ KTP

◆ Feb. 14 - 17, 2017 chung hian Khawkawn Branch diamond Jubilee lawmna neih a ni a, hemi hunah hian Pu Lalhnenzova leh Dr. Lalrotluanga, Comt. Member te an kal.

◆ Feb. 15 - 17, 2017 chung hian Darlung Branch Diamond Jubilee lawmna neih a ni a, hemi hunah hian Upa Rosangliana leh T.Upa Lalrinawma, Comt. Member te an kal.

◆ Feb. 15 - 17, 2017 chung hian Chhiahtlang Hmarveng Branch Golden Jubilee neih a ni a, hemi hunah hian Pu Vanlalpeka, Fin. Secretary leh T.Upa P.C Lalropuia, Comt Member te an kal.

Contd,...

- ☐ **Kohhran Hmeichhia**  
Feb. 17 - 19, 2017 chung hian Tuingoi Bial, Tripura-ah Bial Kohhran Hmeichhe Inkhawmpui neih a ni dawn a, hemi hunah hian Pi Vanlalngthaki leh Pi Sawithangi, Comt. Member te an kal ang.
- ☐ **Zin**
  - ◆ Feb. 18 & 19, 2017 chung hian FG&CC Programme-in Khawzawlah Seminar leh Kristian Chhungkua Campaign nei turin Rev. P.C Pachhunga, Executive Secretary a kal ang.
  - ◆ Feb. 17, 2017 (Zirtawpni) hian Chungtlang Kohhranah rawngbawltu Seminar neihpui turin Rev. B. Sangthanga, Executive Secretary leh Upa Lalkhumtira, Synod Office te an kal ang.
  - ◆ Feb. 13 - 17, 2017 chung hian Presbyterian Church of Taiwan, Mission Consultation, Taipei-a neih mekah Dr. Robert S. Halliday, Coordinator, SMB a kal.
- ☐ **Campus Ministry**
  - ◆ Feb. 8, 2017 (Nilaini) khan 'Awareness Campaign On Tobacco' programme chu Presbyterian Bible School, Mission Vengah hman a ni a. He hunah hian Rev. Lalneihvura, Principal in inlawmna hun hmangin hun bul a tan a, Tobacco Quitters Of Mizoram President Upa Saimawia'n hun hmang zuiin an pawl hmalakna leh tobacco dona kawnga Presbyterian Kohhran tha thawh tawh dan te a sawi. Hemi hnu hian Resource Person ten hun la zuiin Pu Lalremruata, Consultant, State Tobacco Control Society in power point presentation hmangin Zuk leh hmuam (tobacco products) in mihring taksaa harsatna a thlen theih dan leh hnu hma thalo a neih theih hrang hrang te sawiin, he tûr hlauhawm tak atanga inthiarfihlim a tul thu a sawi. Hemi zawh hian Resource Person pakhat zawk Rev. Lalchungnunga, Director in hun hmang zui ve leh nghalin Khawvelin Tobacco a hmel hriat tan dan leh khawvela a darh chhoh zel dan a sawi a. Pathian thu atangin thil chin thar thalo lak atanga kan inthiarfihlim a tulna leh pawimawhna sawiin, chumi in a ken tel theology dik neih a tul thu a sawi.
  - ◆ Feb. 16, 2017 (Ningani) hian Aizawl West College-ah Bible Study neihpuiin hun an hmang.
- ☐ **Revival Dept**
  - ◆ Feb. 19, 2017 (Pathianni) zan hian Chawnpui Vengthlang Kohhran Pavalai Pawl din champha vawi 4-na hmanpui turin Rev. K. Rolungmuana, Director Revival a kal ang.
  - ◆ Synod Revival Dept bultumin March thla chung hian Aizawl khawpui daifem-ah Revival speaker ten tawngtai leh a tul anga rawngbawlna neih tura ruahmanna siam a ni a, hei hi Operation Nehemia tih a ni.
  - ◆ Synod Revival Speaker te hetiang hian Camping/Crusade neiin hun an hmang:

Feb. 14 - 19, 2017	Lalthakunga, Speaker	N. Chaltlang Vengthlang Kohhran	Crusade
Feb. 14 - 24, 2017	F. Hmingthangsanga, Speaker	Champhai Vengthlang Kohhran	Camping
- ☐ **FEBRUARY 19, 2017 (Tv Programme) @ 3:00 p.m) :**  
**Weekly Round Up, KTP Day Pual, Kohhran Hmeichhe Inkhawmpui Lian inbuatsaihna**
- ☐ **Moderator Programme**  
Synod Moderator Rev. Lazuithanga chuan tunkar tawpah hetiang hian hun a hmang ang :

Feb. 18, 2017	Inrinni	Zan	Kanghmun Kohhran	Kanghmun Bial
Feb. 19, 2017	Pathianni	Chawhma	Khawrihnim Kohhran	Kanghmun Bial
Feb. 19, 2017	Pathianni	Chawhnu	Lungphun Kohhran	Kanghmun Bial
Feb. 19, 2017	Pathianni	Zan	Kanghmun Kohhran	Kanghmun Bial

### PATHIAN THU ZIR DUH TAN

Presbyterian Bible School, Mission Veng, Aizawl-ah Certificate in Theology (C.Th) zir tur lak a ni leh dawn a, dil duh chuan heng hi hriat tur a ni e.

Admission Form	Office hun chungin Rs. 10/- a lei theih a ni
Dil hun chung	April 24, 2017 (Thawhtanni) tlai dar 3:00 thleng
Dil thei chin	Class VII passed, kum 16 chin, Kohhran dan chungna awm
Interview	May 3, 2017 (Nilaini) chawhma dar 10:00
Class tan hun	May 8, 2017(Thawhtanni)
Zir hun chung	May - August, 2017

Hrechiang duh tan Phone No. **2317343/2325082/9436198231**-ah zawh theih a ni.

**REV. LALNEIHVURA**  
Principal, PBS

### HNARUAK DIL THEIH

Mizoram Presbyterian Kohhran hnuaiha a hnuaiha tarlan hnate hi a ruak a, a duh tan ngaihven theih a ni. Application Form chu Synod Office atangin lakchhuah tur a ni a, Dil thei chin kum 18 - 35 inkar a ni ang. Hriat tur pawimawh chu Application Form-ah tihlan a ni.

No.	Name of Post	No. of Post	Qualification
1.	Evangelist post	5	---
2.	Chowkidar (MTC)	1	CI-VIII Certificate Holder
3.	Laboratory Assistant (SHSS)	1	HSSLC or Equivalent
Dil theih hun chung		: Dt. 16.3.2017 (Ningani)	
Screening		: Dt. 17.3.2017 (Zirtawpni)	
Interview		: 23.3.2017 (Ningani) 10:00am	
A hmun		: Synod Committee Room - I	
Hlawh		: Synod Contract Rate	

Sd/-  
(REV. LALRAMLIANA PACHUAU)  
Secretary, Synod Service Board